

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔԸ

«ԲՆԱՊԱՀՊԱՆԱԿԱՆ ՎՃԱՐՆԵՐԻ ԴՐՈՒՅՔԱԶՍՓԵՐԻ ՄԱՍԻՆ» ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՕՐԵՆՔՈՒՄ ՓՈՓՈԽՈՒԹՅՈՒՆ ԵՎ ԼՐԱՑՈՒՄ ԿԱՏԱՐԵԼՈՒ ՄԱՍԻՆ

Հոդված 1. «Բնապահպանական վճարների դրույքաչափերի մասին» Հայաստանի Հանրապետության 2006 թվականի դեկտեմբերի 20-ի ՀՕ-245-Ն օրենքի 4-րդ հոդվածում`

- 1) աղյուսակից ԱՏԳ ԱԱ 8703 ծածկագիրը հանել,
- 2) լրացնել հետևյալ բովանդակությամբ նոր պարբերություն.

«ԱՏԳ ԱԱ 8703 ծածկագրերին դասվող թեթև մարդատար ավտոմեքենաների ներմուծման ժամանակ շրջակա միջավայրին վնաս պատճառող ապրանքների դիմաց վճարը հաշվարկվում է հետևյալ դրույքաչափերով.

- 1) հինգ տարուց ավելի մինչև 10 տարի ներառյալ թողարկման (արտադրության) տարեթիվ ունեցող` 500 դրամ յուրաքանչյուր ձիաուժի համար,
- 2) 10 տարուց ավելի մինչև 15 տարի ներառյալ թողարկման (արտադրության) տարեթիվ ունեցող` 1500 դրամ յուրաքանչյուր ձիաուժի համար,
- 3) 15 տարուց ավելի թողարկման (արտադրության) տարեթիվ ունեցող` 3000 դրամ յուրաքանչյուր ձիաուժի համար:»:

Հոդված 2. Սույն օրենքն ուժի մեջ է մտնում 2013 թվականի հունվարի 1-ից: